

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԻ ՌԻՍԱՆՈՂԱԿԱՆ ԽՈՐՀՐԴԻ ԵՎ ՌԻՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ 2016-2017 ՈՒՍՈՒՄՆԱԿԱՆ ՏԱՐՎԱ ՀԱՇՎԵՏՎՈՒԹՅՈՒՆԸ ԵՎ 2017-2018 ՈՒՍՈՒՄՆԱԿԱՆ ՏԱՐՎԱ ԶԱՐԳԱՑՄԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

Հաշվետու ժամանակահատվածում Գավառի պետական համալսարանի ուսանողական ինքնակառավարման մարմինները՝ Ուսանողական խորհուրդը և Ուսանողական գիտական ընկերությունը, համակարգել են ուսանողների համար իրականացվող ծրագրերը, նպաստել ուսանողների ընդհանուր աշխարհայացքային, ստեղծագործական և մասնագիտական զարգացմանը, կազմակերպել են ուսուցողական, ճանաչողական ու դաստիարակչական ուղղվածություն ունեցող բազմաթիվ միջոցառումներ, ուսանողական ֆակուլտետային և համահամալսարանական գիտաժողովներ, սեմինար-քննարկումներ, բաց դասեր, գրական-գեղարվեստական ցերեկույթներ, սպորտային և ինտելեկտուալ միջոցառումներ, բանավեճեր, ակտիվորեն համագործակցել ՀՀ այլ բուհերի ուսանողական կառույցների, դպրոցների, քոլեջների և այլ կազմակերպությունների հետ: Հաշվետու ուսումնական տարում Գավառի պետական համալսարանի Ուսանողական խորհուրդն ու Ուսանողական գիտական ընկերությունը հանդես են եկել հետևյալ նախաձեռնություններով.

2016թ. նոյեմբերի 5-ին- միջոցառում՝ նվիրված առաջին կուրսի ուսանողներին «Բարև, մե՛նք ենք» խորագրով,

2016թ. նոյեմբերի 18-ին միջոցառում՝ նվիրված անկախության 25-ամյակին «Անկախությունը՝ սավառնող թռչուն է» խորագրով,

2016թ. ապրիլի 7-ին- միջոցառում՝ նվիրված մայրության և գեղեցկության տոնին «Մայրության տոնը ԳՊՀ-ում» վերնագրով,

2016թ. մայիսի 5-ին- միջոցառում՝ նվիրված ԳՊՀ-ի հիմնադրման 24 ամյակին «Ծնունդդ շնորհավոր, ի՛մ համալսարան»,

2016թ. մայիսի 10-ին- միջոցառում՝ նվիրված մայիսյան տոներին «Մայիսյան հաղթական եռատոնը ԳՊՀ-ում» խորագրով,

2016թ. սեպտեմբերին կազմակերպվել է ճանաչողական հանդիպում ԳՊՀ ֆակուլտետների առաջին կուրսի ուսանողների հետ: Նրանց ծանոթացրել են ԳՊՀ ուսանողական խորհրդի և ուսանողական գիտական ընկերության գործունեության առաքելությանը և նպատակներին:

2016թ. նոյեմբերի 14-ին ԳՊՀ ուսանողները մասնակցել են Վանաձորի պետական համալսարանում տեղի ունեցած հանրապետական գիտաժողովին:

2017թ. ապրիլի 30-ին կազմակերպվել է սեմինար-քննարկում «Ընտանեկան բռնությունների կանխումը» թեմայով:

2016թ. նոյեմբերի 10-ին կայացավ համերգ Մարգահամերգային համալիրում՝ ուսանողների օրվա առիթով, որին մասնակցեցին ԳՊՀ 120 ուսանողներ:

2016թ. նոյեմբերի 18-ին Գավառի պետական համալսարանում տեղի ունեցավ «Անկախությունը՝ սավառնող թռչուն» խորագիրը կրող ցերեկույթ, որն իրականացվեց Հայաստանի Հանրապետության անկախության 25-ամյակին նվիրված հոբելյանական միջոցառումների շրջանակում:

2017թ. նոյեմբերի 23-ին Գավառի պետական Համալսարանի Ուսանողական խորհրդի և Ուսանողական գիտական ընկերության առաջարկությամբ բուհի գրադարանային ֆոնդից հարյուրավոր գեղարվեստական և հայագիտական գրքեր նվիրաբերվեցին Արցախում տեղակայված զորամասերին:

2017թ. մարտի 29-ին Գավառի պետական համալսարանի ընթերցասրահում գրադարանի վարիչ Նաիրա Պետրոսյանի, ԳՊՀ ուսանողական գիտական ընկերության և ուսանողական խորհրդի նախաձեռնությամբ կազմակերպվեց ամերիկահայ գրող Վիլյամ Սարոյանի «Մարդկային կատակերգություն» վեպի քննարկում:

2017թ. ապրիլի 1-ին կայացավ սեմինար-քննարկում «Բուհ-Գործատու համագործակցությունը՝ ժամանակի պահանջ» խորագրով:

2017թ. ապրիլի 7-ին Գավառի պետական համալսարանի Բանասիրական ֆակուլտետի ուսանողական խորհրդի նախաձեռնությամբ կազմակերպվել էր գրական-գեղարվեստական ցերեկույթ՝ նվիրված Մայրության և գեղեցկության տոնին:

2017թ. ապրիլի 15-ին ԳՊՀ-ում նշվեց Սուրբ Հարության տոնը:

2017թ. Ապրիլի 20-ին ՀՀ պաշտպանության նախարարությունը, ՀՀ կրթության և գիտության նախարարության հետ համատեղ Երևանի Կ. Դեմիրճյանի անվան մարզահամերգային համալիրում, կազմակերպել էր «Ազգ-բանակ-2017» խորագրով համաժողով՝ նվիրված ռազմակրթական ոլորտի հիմնախնդիրներին: Մասնակցեցին Գավառի պետական համալսարանի Ուսանողական ինքնակառավարման մարմինների ներկայացուցիչները:

2017թ. ապրիլի 24-ին կայացավ «Ո՛չ ցեղասպանությանը» խորագիրը կրող միջոցառումը:

2017թ. ապրիլի 28-ին Գավառի պետական համալսարանի բնագիտական ֆակուլտետում տեղի ունեցավ ուսանողական գիտաժողով՝ «Բնական գիտությունները՝ 21-րդ դարում» թեմայով:

2017թ. մայիսի 4-ին կազմակերպվեց «Ի՞նչ, որտե՞ղ, ե՞րբ» միջֆակուլտետային մրցույթը:

2017թ. մայիսի 5-ին կազմակերպվեց միջոցառում՝ «Մեծ անկյուն փոքր քաղաքում» խորագրով, որը նվիրված էր ԳՊՀ հիմնադրման 24 ամյակին:

2017թ. մայիսի 10-ին կազմակերպվեց ցերեկույթ՝ նվիրված Մայիսյան եռատոնին:

2017թ. մայիսի 17-ին ԳՊՀ-ում կազմակերպվեց շախմատի միջֆակուլտետային մրցույթ:

2017թ. մայիսի 20-ից 24-ը կայացավ «Ֆինանսական նորարարություն ազգային զարգացման համար» խորագիրը կրող համահայկական ուսանողական համաժողովը, որն արդեն երկրորդ անգամ իրականացվում է Հայաստանում Եվրոպական պառլամենտի և ՀՀ կենտրոնական բանկի համագործակցությամբ՝ «Իմ ֆինանսների ամիս» ծրագրի շրջանակներում: Համաժողովին մասնակցեցին նաև ԳՊՀ ուսանողական խորհրդի անդամները:

2017թ. Հուլիսի 5-ին համալսարանի ուսանողական խորհուրդը և ուսանողական գիտական ընկերությունը կազմակերպեցին ԳՊՀ շրջանավարտների 20-րդ սերնդի դիպլոմների հանձման արարողությունը:

2017-2018 ուսումնական տարին Գավառի պետական համալսարանը դիմավորեց «Նոր մտածողություն, նոր մոտեցումներ և նախաձեռնություններ» կարգախոսով: Նոր ուսումնական տարին հորեյանական է Գավառի պետական համալսարանի համար՝ լրանում է բուհի հիմնադրման 25-ամյակը: Միաժամանակ, տարին նշանավոր և հիշարժան է համայն

հայության համար, քանի որ Հայաստանը, Արցախն ու Սփյուռքը արժանավայել միջոցառումներով նշելու են Հայաստանի առաջին Հանրապետության մեկդարյա տարեդարձը և մայիսյան հերոսամարտերի 100-ամյակը, ինչպես նաև Էրեբունի-Երևանի հիմնադրման 2800-ամյակը:

2017-2018 ուսումնական տարում ԳՊՀ ինքնակառավարման մարմինները նախատեսել են կազմակերպել.

- միջոցառումների շարք՝ նվիրված մայր բուհի հիմնադրման 25-ամյակին,
- միջոցառումների շարք՝ նվիրված Հայաստանի առաջին Հանրապետության և մայիսյան հերոսամարտերի 100-ամյակին,
- միջոցառումներ՝ նվիրված Էրեբունի-Երեւանի 2800-ամյակին,
- Ֆակուլտետային և համահամալսարանական գիտաժողովներ, բազմաբնույթ ցերեկույթներ, ուսուցողական և դաստիարակչական միջոցառումներ,
- բանավեճեր, դերային խաղեր, սեմինարներ, ֆիլմերի դիտում-քննարկումներ, գրական քննարկումներ,
- ինտելեկտուալ խաղեր, մրցույթներ,
- գիտաճանաչողական էքսկուրսիաներ,
- այցելություններ դպրոցներ և քոլեջներ, աշխատանք դիմորդների հետ,
- հանդիպումներ Գավառի և հարակից համայնքների դպրոցականների, մանկատան և հատուկ դպրոցի սաների հետ,
- համագործակցություն ՀՀ այլ բուհերի ուսանողական ինքնակառավարման մարմինների հետ:

Ա. Ս. Սինանյան՝

ԳՊՀ Ուսանողական խորհրդի նախագահ,

Կ. Կ. Սարգսյան՝

**ԳՊՀ Ուսանողական գիտական ընկերության
նախագահ**